

«Марат Оспанов атындағы  
Батыс Қазақстан медицина  
университеті» КеАҚ  
Директорлар кеңесінің  
«14» ~~сәуірі~~ <sup>сәуірі</sup> 2023 жылғы  
(№ ~~14~~ хаттама) шешімімен  
«БЕКІТІЛДІ»



«Марат Оспанов атындағы Батыс Қазақстан медицина университеті»  
коммерциялық емес акционерлік қоғамына  
магистратураға қабылдау қағидасы

Ақтөбе қ., 2023 жыл

# 1. ЖАЛПЫ ЕРЕЖЕЛЕР

1.1. Осы магистратураға қабылдау қағидасы (бұдан әрі-Қағида) «Марат Оспанов атындағы Батыс Қазақстан медицина университеті» коммерциялық емес акционерлік қоғамына (бұдан әрі – Университет) тұлғаларды магистратураға қабылдау тәртібін сипаттайды.

1.2. Қағида:

- «Жоғары оқу орнынан кейінгі білім берудің білім беру бағдарламалары бойынша оқу үшін жоғары және (немесе) жоғары оқу орнынан кейінгі білім беру ұйымына құжаттарды қабылдау және оқуға қабылдау» білім беру ұйымдарына оқуға қабылдау тәртібін анықтайтын, жоғары оқу орнынан кейінгі білім беру бағдарламаларын және мемлекеттік қызмет көрсетуді іске асыратын «Білім туралы» Қазақстан Республикасының 2007 жылғы 27 шілдедегі № 319-III Заңының 5-бабы 11) тармақшасына және «Мемлекеттік көрсетілетін қызметтер туралы» Қазақстан Республикасы Заңының 10-бабы 1) тармақшасына;

- «Жоғары және жоғары оқу орнынан кейінгі білім берудің білім беру бағдарламаларын іске асыратын білім беру ұйымдарына оқуға қабылдаудың типтік қағидалары» Қазақстан Республикасы Білім және ғылым министрінің 2018 жылғы 31 қазандағы № 600 бұйрығына;

- «Жоғары және жоғары оқу орнынан кейінгі білім берудің мемлекеттік жалпыға міндетті стандарттарын бекіту туралы» Қазақстан Республикасы Ғылым және жоғары білім министрінің 2022 жылғы 20 шілдедегі № 2 бұйрығына;

- «Жоғары оқу орнынан кейінгі білім берудің мемлекеттік жалпыға міндетті стандарты» Қазақстан Республикасы Денсаулық сақтау министрінің 2022 жылғы 4 шілдедегі № ҚР ДСМ-63 бұйрығына 4-қосымшасына («Денсаулық сақтау саласындағы білім беру деңгейлері бойынша мемлекеттік жалпыға міндетті стандарттарды бекіту туралы» Қазақстан Республикасы Денсаулық сақтау министрінің бұйрығы). Қазақстан Республикасының Әділет министрлігінде 2022 жылғы 5 шілдеде № 2871 болып тіркелді);

- «2021-2022, 2022-2023, 2023-2024 оқу жылдарына арналған білім беру бағдарламалары топтары бөлінісінде жоғары және жоғары оқу орнынан кейінгі білімі бар кадрларды даярлауға мемлекеттік білім беру тапсырысын бөлу туралы» Қазақстан Республикасы Білім және ғылым министрінің 2021 жылғы 2 шілдедегі №316 бұйрығына сәйкес әзерленді.

Осы Қағидаларда мынадай негізгі ұғымдар пайдаланылады:

- кешенді тестілеу-ақпараттық-коммуникациялық технологиялар қолданылып, бірнеше оқу пәндері бойынша бір мезгілде өткізілетін емтихан нысаны;

- магистратура – кемінде 60-120 академиялық кредитті міндетті түрде меңгеру арқылы тиісті білім беру бағдарламасы бойынша «магистр» дәрежесін бере отырып, кадрлар даярлауға бағытталған жоғары оқу орнынан кейінгі білім беру деңгейі;

- магистр – магистратураның білім беру бағдарламаларын меңгерген тұлғаларға берілетін дәреже;

- магистрант – магистратурада білім алатын тұлға;

- үміткер портфолиосы – ғылыми жетістіктер (мақалалардың,

грамоталардың, сертификаттардың, үміткер сөйлеген конференция бағдарламаларының көшірмелері және т. б.) енгізілген үміткердің жеке ісі;

- шекті балл – республикалық бюджет немесе жергілікті бюджет есебінен білім беру грантын тағайындау конкурсына қатысуға немесе ақылы негізде оқуға түсуге рұқсат беретін Типтік қағидалармен белгіленген тестілеудің әр бөлімі немесе пәндері бойынша балдардың минималды жиынтығы;

- сертификат – кешенді тестілеуде жиналған балдарды ресми растайтын белгіленген үлгідегі атаулы құжат.

## **2. МАГИСТРАТУРАҒА ҚАБЫЛДАУ**

2.1. Жоғары және (немесе) жоғары оқу орнынан кейінгі білім беру ұйымдарының (бұдан әрі – ЖЖОКБҰ) магистранттарын қабылдау ғылыми-педагогикалық және бейінді бағыттар бойынша кадрларды даярлауға арналған мемлекеттік білім беру тапсырысын орналастыру, сондай-ақ білім алушылардың өз қаражаты және басқа да көздер есебінен оқуға ақы төлеу арқылы жүзеге асырылады. Бұл ретте ЖЖОКБҰ мынадай: 1) білім беру қызметімен айналысуға арналған лицензияны және (немесе) лицензияға қосымшаны тоқтата тұру, кері қайтарып алу және одан айыру туралы уәкілетті орган шешім қабылдаған; 2) Қазақстан Республикасының Президенті жанындағы білім беру ұйымдарын және әскери, арнаулы оқу орындарын қоспағанда, институционалдық аккредиттеу болмаған, кері қайтарып алған, тоқтатылған немесе аккредиттеудің қолданылу мерзімі өткен; 3) мемлекеттік бақылау қорытындылары бойынша және (немесе) сот процесі кезеңінде оның нәтижелері бойынша өрескел бұзушылықтар анықталған; 4) білім беру бағдарламаларының тиісті тобына білім беру саласындағы уәкілетті органның Білім беру бағдарламаларының тізілімінен білім беру бағдарламасының болмауы немесе одан шығарылуы жағдайларында қабылдауды жүзеге асырмайды.

2.2. Университет магистратурасына тұлғаларды қабылдау кешенді тестілеу нәтижелері бойынша конкурстық негізде жүзеге асырылады.

2.3. Университетке шетел азаматтарын қабылдау ақылы негізде, күнтізбелік жыл ішінде Университеттің қабылдау комиссиясы өткізетін әңгімелесу нәтижелері бойынша жүзеге асырылады. Шетел азаматтарын қабылдау академиялық күнтізбеге сәйкес келесі академиялық кезең басталғанға дейін 5 (бес) күн бұрын жүзеге асырылады. Шетелдіктердің мемлекеттік білім беру тапсырысына сәйкес конкурстық негізде тегін жоғары оқу орнынан кейінгі білім алуы Қазақстан Республикасының халықаралық шарттарында айқындалады.

2.4. Мерзімді әскери қызмет өткергеннен кейін үш жыл ішінде мерзімді әскери қызмет өткерген тұлғаларды бейінді магистратураға ақылы негізде қабылдау ЖЖОКБҰ қабылдау комиссиялары күнтізбелік жыл ішінде өткізетін әңгімелесу нәтижелері бойынша түсу емтихандарынсыз жүзеге асырылады. Бұл ретте мерзімді әскери қызмет өткерген азаматтарды қабылдау академиялық күнтізбеге сәйкес келесі академиялық кезең басталғанға дейін 5 (бес) күн бұрын жүзеге асырылады.

2.5. Шетел тіліндегі құжаттар нотариус куәландырған қазақ немесе орыс тіліндегі аудармасымен қоса ұсынылады. Шетелдік білім беру ұйымдары

берген білім туралы құжаттар І (бірінші) академиялық оқу кезеңі ішінде тұлғаларды қабылдағаннан кейін Қазақстан Республикасының заңнамасында белгіленген тәртіппен білім туралы құжаттарды тану рәсімінен өтеді.

2.6. Құжаттарды қабылдау және түсу емтихандарын өткізуді ұйымдастыру үшін университет қабылдау комиссиясын құрады. Қабылдау комиссиясының төрағасы Университеттің Басқарма төрағасы - ректоры болып табылады.

2.7. Қабылдау комиссиясының құрамы мен функциялары қабылдау комиссиясы төрағасының немесе оның міндетін атқарушы тұлғаның бұйрығымен бекітіледі.

2.8. Магистратураға түсушілер үшін қабылдау комиссиясы түсушілерге жоғары оқу орнынан кейінгі білім берудің білім беру бағдарламаларының таңдаулы тобының мәселелері бойынша консультация беруді, кешенді тестілеу рәсімімен танысуды жүзеге асырады.

2.9. Магистратураға түсушілердің өтініштерін қабылдау Университеттің қабылдау комиссиясы және (немесе) ақпараттық жүйе арқылы күнтізбелік жылдың І маусымынан 15 шілдесіне дейін жүргізіледі.

2.10. Магистратураға түсуші тұлғалар күнтізбелік жылдың 25-28 тамыз аралығында көрсетілетін қызметті берушіге (Университеттің қабылдау комиссиясы арқылы) (бұдан әрі-көрсетілетін қызметті беруші) немесе [www.egov.kz](http://www.egov.kz) «электрондық үкімет» веб-порталы арқылы (бұдан әрі-портал) «Жоғары оқу орнынан кейінгі білім берудің білім беру бағдарламалары бойынша оқыту үшін жоғары оқу орындарына құжаттарды қабылдау және қабылдау» мемлекеттік көрсетілетін қызмет стандартының (бұдан әрі-Мемлекеттік көрсетілетін қызмет стандарты) 8-тармағында көзделген құжаттар топтамасын ұсынады.

2.11. Жеке басты куәландыратын құжаттар, жоғары білім туралы құжат, медициналық анықтама туралы мәліметтер көрсетілетін қызметті берушіге тиісті мемлекеттік ақпараттық жүйелерден «электрондық үкімет» шлюзі арқылы ұсынылады.

2.12. Қабылдау комиссиясы құжаттар топтамасын қабылдауды, оларды тіркеуді және алушыға өтініш келіп түскен күні құжаттар топтамасын қабылдау туралы қолхат беруді жүзеге асырады немесе алушы құжаттар топтамасын толық ұсынбаған жағдайда құжаттарды қабылдаудан бас тартады.

2.13. Көрсетілетін қызметтер порталы арқылы жүгінген жағдайда алушыға «жеке кабинетке» мемлекеттік көрсетілетін қызметке сұрау салудың қабылданғаны туралы мәртебе, сондай-ақ мемлекеттік көрсетілетін қызмет нәтижесін алу күні мен уақыты көрсетілген хабарлама жіберіледі.

2.14. Көрсетілетін қызметті беруші олар келіп түскен сәттен бастап ұсынылған құжаттардың толықтығын тексереді, толық болмаған жағдайда өтінішті одан әрі қараудан дәлелді бас тартуды дайындайды, ол электрондық құжат нысанында өтініш берушіге порталдағы «жеке кабинетке» жіберіледі.

2.15. Көрсетілетін қызметтерді алушы құжаттардың толық топтамасын ұсынған жағдайда көрсетілетін қызметті берушіге көрсетілетін қызметтердің хабарламасын алғаннан кейін күнтізбелік жылдың 28 тамызына дейінгі мерзімде құжаттардың түпнұсқаларын Университетке қабылдау үшін құжаттардың қабылданғаны туралы алушы көрсетілетін қызметті берушіге хабарлама жібереді.

2.16. Құжаттарды қабылдағаннан кейін Университет басшысы алушының қызметтерін магистранттар қатарына қабылдау туралы бұйрық шығарады.

### 3. МАГИСТРАТУРАҒА ТҮСЕТІН ТҮЛҒАЛАРҒА ҚОЙЫЛАТЫН ТАЛАПТАР

3.1. Магистратураға жоғары білімнің білім беру бағдарламаларын меңгерген тұлғалар қабылданады.

3.2. Келесідей мамандықтар бойынша магистратураның білім беру бағдарламаларын меңгеруге ынталы тұлғалардың алдыңғы білім деңгейіне қойылатын талаптар:

- **M144 - «Медицина»:** Высшее профессиональное образование по специальности 5В130100 – «Жалпы медицина», 040100 – «Емдеу ісі», 040200 – «Педиатрия», 040600 – «Шығыс медицинасы», 5В130200 – «Стоматология», 5В110400 – «Медициналық-профилактикалық іс» мамандығы бойынша жоғары кәсіптік білім;

- **M140 – «Қоғамдық денсаулық сақтау»:** 5В110200 – «Қоғамдық денсаулық сақтау», 5В130100 – «Жалпы медицина», 040100 – «Емдеу ісі», 040200 – «Педиатрия», 040600 – «Шығыс медицинасы», 5В130200 – «Стоматология», 5В110100 – «Мейірбике ісі», 5В110300 – «Фармация», 5В030100 – «Зантану», 5В050600 – «Экономика» 5В050700 – «Менеджмент», 5В051000 – «Мемлекеттік және жергілікті басқару», 5В051300 – «Дүниежүзілік экономика» мамандығы бойынша жоғары кәсіптік білім;

- **M141 – «Мейірбике ісі»:** 5В110100 – «Мейірбике ісі», 5В130100 – «Жалпы медицина», 040100 – «Емдеу ісі», 040200 – «Педиатрия», 040600 – «Шығыс медицинасы», 5В130200 – «Стоматология», 5В110400 – «Медициналық-профилактикалық іс» мамандығы бойынша жоғары кәсіптік білім;

- **M145 – «Медициналық-профилактикалық іс»:** 5В110400 – «Медициналық-профилактикалық іс», 5В130100 – «Жалпы медицина», 5В110200 – «Қоғамдық денсаулық сақтау» мамандығы бойынша жоғары кәсіптік білім;

- **M143 – «Биомедицина»:** медициналық, жаратылыстану-ғылыми, техникалық мамандықтар бойынша жоғары кәсіптік білім.

3.3. Магистратураға түсуші тұлғалар Университетке жүгінген кезде «Жоғары және жоғары оқу орнынан кейінгі білімнің білім беру бағдарламаларын іске асыратын білім беру ұйымдарына оқуға қабылдаудың типтік қағидалары» Қазақстан Республикасы Білім және ғылым министрінің 2018 жылғы 31 қазандағы № 600 бұйрығына (26.01.2023 жылғы № 29 жағдай бойынша өзгерістермен және толықтырулармен) сәйкес мынадай құжаттарды тапсырады:

- 1) Университет басшысының атына жазылған өтініш;
- 2) жоғары білім туралы құжат (түпнұсқа) және қосымшасы бар жоғары білім туралы дипломның нотариалды куәландырылған көшірмесі;
- 3) жеке басын куәландыратын құжат (тұлғаны сәйкестендіру үшін қажет);
- 4) 3 x 4 см өлшемді 6 фотосурет;
- 5) КР ДСМ-175/2020 бұйрығымен бекітілген 075/у нысанындағы

электрондық форматтағы медициналық анықтама;

6) International English Language Tests System (IELTS, шекті балл – кемінде 6,0), IELTS INDICATOR (АЙТЛС Индикатор), шекті балл – кемінде 6,0, Test of English as a Foreign Language Institutional Testing Programm (TOEFL ITP (ТОЙФЛ АйТиПи) шекті балл — кемінде 543 балл, Test of English as a Foreign Language Institutional Testing Programm Internet-based Test (TOEFL IBT) шекті балл — кемінде 60, Test of English as a Foreign Language Paper-based testing (TOEFL PBT) шекті балл - кемінде 498, Deutsche Sprachpruefung fuer den Hochschulzugang (DSH, Niveau C1/C1 деңгейі), Test DaF-Prufung (Niveau C1/C1 деңгейі), Test de Francais International™ (TFI— оқу және тыңдалым секциялары бойынша B1 деңгейінен төмен емес), Diplomed' Etudes en Langue Francaise (DELF, B2 деңгейі), Diplome Approfondide Langue Francaise (DALF, C 1 деңгейі), Test deconnaissance du Francais (TCF— кемінде 50 балл) (болған жағдайда) бағдарламалары бойынша шетел тілі (ағылшын, неміс, француз) бойынша тест тапсыру туралы сертификат;

7) еңбек қызметін растайтын құжат (еңбек өтілі бар тұлғалар үшін);

8) ғылыми және ғылыми-әдістемелік жұмыстар тізімі (болған жағдайда);

9) шарт жасасуға және оқу шығындарын төлеуге кепілдік беретін хат (қандай да бір мекеме немесе ұйым оқу ақысын төлеген жағдайда магистратураға ақылы негізде түсушілер үшін).

3.4. 3.3 тармағының 6) және 7) тармақшаларында аталған құжаттар түпнұсқаларда және көшірмелерде ұсынылады, салыстырып тексерілгеннен кейін түпнұсқалар қызмет алушыға қайтарылады.

3.5. Осы тармақта көрсетілген құжаттар тізбесі толық ұсынылмаған жағдайда Университеттің қабылдау комиссиясы оқуға түсушілерден құжаттарды қабылдамайды.

3.6. Магистратураға түсуші тұлғалар портал арқылы өтініш білдірген кезде мынадай құжаттарды ұсынады:

1) көрсетілетін қызметті алушының электрондық-цифрлық қолтаңбасы қойылған электрондық құжат нысанындағы сұрау;

2) жоғары білімі туралы электрондық құжат;

3) International English Language Tests System (IELTS, кемінде шекті балл - 6,0), IELTS INDICATOR (Айтлс Индикатор), шекті балл - кемінде 6,0, Test of English as a Foreign Language Institutional Testing Programm (TOEFL ITP (ТОЙФЛ АйТиПи) шекті балл — кемінде 543 балл, Test of English as a Foreign Language Institutional Testing Programm Internet-based Test (TOEFL IBT) шекті балл — кемінде 60, Test of English as a Foreign Language Paper-based testing (TOEFL PBT) шекті балл — кемінде 498, Deutsche Sprachpruefung fuer den Hochschulzugang (DSH, Niveau C1/C1 деңгейі), Test DaF-Prufung (Niveau C1/C1 деңгейі), Test de Francais International™ (TFI— оқу және тыңдалым секциялары бойынша B1 деңгейінен төмен емес), Diplomed' Etudes en Langue Francaise (DELF, B2 деңгейі), Diplome Approfondide Langue Francaise (DALF, C 1 деңгейі), Test deconnaissance du Francais (TCF — кемінде 50 балл) бағдарламалары бойынша шетел тілін меңгерудің жалпыеуропалық құзыреттеріне (стандарттарына) сәйкес шетел тілін меңгергенін растайтын электрондық сертификат (болған жағдайда);

4) еңбек қызметін растайтын электрондық құжат (еңбек өтілі бар тұлғалар үшін);

5) 3 x 4 сантиметр өлшемді сандық фото;

6) ҚР ДСМ-175/2020 бұйрығымен бекітілген 075/у нысаны бойынша электрондық форматтағы медициналық анықтама;

7) ғылыми және ғылыми-әдістемелік жұмыстар тізімі (болған жағдайда).

3.7. Жеке басын куәландыратын құжаттар туралы мәліметтер, жоғары білімі туралы құжат, медициналық анықтама, интернатураны бітіргені туралы куәлік көрсетілетін қызметті көрсетушіге «электрондық үкімет» шлюзі арқылы тиісті мемлекеттік ақпараттық жүйелерден беріледі.

3.8. Портал арқылы жүгінген кезде көрсетілетін қызметті алушының «жеке кабинетіне» ЭЦҚ-мен куәландырылған электрондық құжат нысанында мемлекеттік қызметті көрсету үшін сұрау салудың қабылданғаны туралы хабарлама жіберіледі.

3.9. Көрсетілетін қызметті алушыға құжаттардың қабылданғаны туралы колхат беріледі.

3.10. Барлық құжаттар құжат тігілетін папкаға тігіледі, парақтары нөмірленеді және құжаттар тізімдемесіне енгізіледі.

3.11. 3.3-тармағының 2), 3) тармақшаларында көрсетілген құжаттардың түпнұсқаларымен бірге, олардың нотариалды куәландырылған көшірмелері ұсынылады. Құжаттардың түпнұсқалары қайтарылады.

3.12. Магистратураға қабылдау туралы ақпарат және регламенттеуші құжаттама университет сайтында (<http://www.zkgmu.kz>) және «Платонус» автоматтандырылған ақпараттық жүйесі (ААЖ) арқылы (<https://platonus.zkmu.kz>) арқылы орналастырылған.

3.13. Магистратураға түсушілер өтініште білім беру бағдарламаларының бір тобын және 3 (үш) ЖЖОКБҰ-ға дейін көрсетеді.

3.14. Жергідікті бюджет қаражаты есебінен мемлекеттік білім беру тапсырысы бойынша конкурсқа катысу үшін оқуға түсушілер ЖЖОКБҰ-ға күнтізбелік жылдың 25 тамызына дейін:

1) өтінішті (ерікті нысанда);

2) жоғары білімі туралы құжатты (түпнұсқа);

3) кешенді тестілеу сертификаты және шетел тілін меңгерудің жалпыеуропалық құзыреттеріне (стандарттарына) сәйкес шетел тілін меңгергенін растайтын халықаралық сертификаттың көшірмесін (олар болған жағдайда) (магистратура үшін);

4) еңбек кітапшасының көшірмесін (болған жағдайда);

5) жеке басын куәландыратын құжаттың көшірмесін ұсынады.

3.15. Мемлекеттік білім беру тапсырысы бойынша конкурс білім беру бағдарламаларының топтары бойынша кешенді тестілеу және/немесе қабылдау емтихандарының балдарына сәйкес өткізіледі.

3.16. Білім беру грантын беру жөніндегі конкурсқа өтініш бергенге дейін оқуға түсушінің Ұлттық білім беру деректер базасында (ҰБДБ) «білім алушы» мәртебесі болмауы тиіс.

## 4. ҚАБЫЛДАУ ЕМТИХАНДАРЫН ӨТКІЗУ ТӘРТІБІ

4.1. Денсаулық сақтау бағыты бойынша ғылыми-педагогикалық магистратураға түсуші тұлғалар кешенді тестіледі күнтізбелік жылдың 1-15 тамызы аралығында тапсырады:

- 1) таңдау бойынша бір шетел тілінен тест (ағылшын, неміс, француз);
- 2) білім беру бағдарламалары топтарының бейіні бойынша тест, таңдауы бойынша қазақ немесе орыс тілінде;
- 3) білім алуға дайындығын анықтауға арналған тест, таңдау бойынша қазақ немесе орыс тілінде;

Денсаулық сақтау бағыты бойынша бейінді магистратураға түсуші тұлғалар кешенді тестілеуді тапсырады:

- 1) білім беру бағдарламалары топтарының бейіні бойынша тест, таңдауы бойынша қазақ немесе орыс тілінде;
- 2) білім алуға дайындығын анықтауға арналған тест, таңдау бойынша қазақ немесе орыс тілінде.

4.2. Магистратураға ағылшын тілінде оқуға түсетін тұлғалар кешенді тестілеу тапсырады, оған ағылшын білім беру бағдарламалары топтарының бейіні бойынша тест және таңдау бойынша қазақ, орыс немесе ағылшын тілдеріндегі оқуға дайындығын анықтауға арналған тест кіреді.

4.3. Кешенді тестілеуді өткізу «Кешенді тестілеуді өткізу қағидаларын бекіту туралы» Қазақстан Республикасы Білім және ғылым министрінің 2019 жылғы 8 мамырдағы № 190 бұйрығына сәйкес жүзеге асырылады.

4.4. Кешенді тестілеуді Қазақстан Республикасы Білім және ғылым министрлігі айқындайтын Кешенді тестілеу өткізу пункттерінде Қазақстан Республикасы Білім және ғылым министрлігінің Ұлттық тестілеу орталығы өткізеді.

4.5. Магистратураға кешенді тестілеуді өткізу кезінде тәртіптің сақталуын Қазақстан Республикасы Білім және ғылым министрлігінің уәкілетті өкілдері қамтамасыз етеді.

4.6. Кешенді тестілеудің бейіндік пәндері көрсетілген жоғары оқу орнынан кейінгі білім беру бағдарламалары топтарының тізбесі Кешенді тестілеуді өткізу қағидаларына 2-қосымшаға сәйкес белгіленеді.

4.7. Оқыту қазақ немесе орыс тілінде жүргізілетін ғылыми-педагогикалық магистратура үшін кешенді тестілеудің тест тапсырмаларының саны 130:

- 1) шетел тілі бойынша тест – 50;
- 2) оқуға дайындықты анықтауға арналған тест – 30;
- 3) білім беру бағдарламалары тобының бейіні бойынша тест — 50, оның ішінде: бірінші бейінді пән бойынша — 30, екінші бейінді пән бойынша — 20.

Оқыту қазақ немесе орыс тілінде жүргізілетін магистратура үшін кешенді тестілеу бойынша ең жоғары балл - 150 балл.

4.8. Бейінді магистратура үшін оқыту қазақ немесе орыс тілінде жүргізілетін магистратураға түсушілер үшін кешенді тестілеудің тест тапсырмаларының саны 80 құрайды:

- оқуға дайындықты анықтауға арналған тест — 30, оның ішінде: сыни ойлау бойынша — 15, талдамдық ойлау — 15;



- білім беру бағдарламалары тобының бейіні бойынша тест — 50, оның ішінді: бірінші бейінді пән бойынша — 30, екінші бейінді пән бойынша — 20.

Қазақ немесе орыс тілінде оқытатын бейінді магистратура үшін кешенді тестілеу бойынша ең жоғары балл саны – 100 балл; ағылшын тілінде оқытатын бейінді магистратура үшін – 100 балл.

4.9. Кешенді тестілеуге оқыту қазақ немесе орыс тілінде жүргізілетін ғылыми-педагогикалық магистратураға түсушілер үшін 3 сағат 55 минут, бейінді магистратураға түсушілер 2 сағат 40 минут беріледі.

4.10. Өтініш берген, бірақ рұқсаттамада көрсетілген күні кешенді тестілеуге қатыспаған оқуға түсушіге мынадай дәлелді себептер бойынша тиісті тестілеу тілі және білім беру бағдарламасы тобының бейіні бар дәрісханада орын болған жағдайда кешенді тестілеуді өткізу кезеңіндегі келесі күндердің бірінде қатысу мүмкіндігі беріледі:

1) денсаулық жағдайы бойынша «Денсаулық сақтау ұйымдарының бастапқы медициналық құжаттама нысандарын бекіту туралы» Қазақстан Республикасы Денсаулық сақтау министрінің міндетін атқарушының 2010 жылғы 23 қарашадағы № 907 бұйрығымен бекітілген № 035-1/у нысанына сәйкес дәрігерлік-консультациялық комиссияның қорытындысы болған кезде;

2) тізбесі «Неке (ерлі-зайыптылық) және отбасы туралы» Қазақстан Республикасының Кодексіне айқындалған жақын туыстарының қайтыс болғанын растайтын құжаттар болған кезде;

3) төтенше жағдайларда.

4.11. Шетел тілін меңгерудің жалпыеуропалық құзыреттеріне (стандарттарына) сәйкес шетел тілін меңгергенін растайтын халықаралық сертификаттары бар тұлғалар мынадай емтихандар бойынша магистратураға шетел тілі бойынша қабылдау емтиханынан босатылады:

- *ағылшын тілі* - International English Language Tests System бағдарламалары бойынша (IELTS, шекті балл - кемінде 6,0);

- IELTS INDICATOR (АЙТЛС Индикатор), шекті балл – кемінде 6,0;

- Test of English as a Foreign Language Institutional Testing Programm (TOEFL ITP (ТОЙФЛ Ай Ти Пи) шекті балл – кемінде 543 балл;

- Test of English as a Foreign Language Institutional Testing Programm Internet-based Test (TOEFL IBT) шекті балл – кемінде 60 балл;

- Test of English as a Foreign Language Paper-based testing (TOEFL PBT) шекті балл – кемінде 498 балл;

- *неміс тілі*: Deutsche Sprachprüfung für den Hochschulzugang (DSH, Niveau C1/C1 деңгейі);

- Tes tDaF-Prüfung (Niveau C1/C1 деңгейі);

- *француз тілі*: Test de Français International™ (TFI– оқу және тыңдалым секциялары бойынша B1 деңгейінен төмен емес), Diplôme d'Études en Langue française (DEL F, B2 деңгейі), Diplôme Approfondi de Langue française (DALF, C1 деңгейі), Test de connaissance du français (TCF – кемінде 50 балл) (болған жағдайда);

4.12. Мемлекеттік немесе ресми тілі ағылшын тілі болып табылатын елдерде шетелдік ЖЖОКБҰ аяқтаған және Экономикалық ынтымақтастық және даму ұйымына (ЭЫДҰ) мүше мемлекеттердің аккредиттеу органдарының тізіліміне және (немесе) қауымдастығына енгізілген шетелдік аккредиттеу

органдарының мамандандырылған аккредиттеуі бар тұлғалар 5 жыл ішінде қазақ немесе орыс тілінде оқытатын магистратураға кешенді тестілеудің «Шетел тілі» (ағылшын тілі) тестілеу блогынан босатылады.

4.13. Кешенді тестілеудің нәтижелері олар өткізілген күні жарияланады. Кешенді тестілеу нәтижелері бойынша электрондық сертификат беріледі, ол Қазақстан Республикасы Білім және ғылым министрлігінің Ұлттық тестілеу орталығының сайтында расталады ([www.testcenter.kz](http://www.testcenter.kz)).

4.14. Кешенді тестілеуді тапсырған жылы қайта тапсыруға жол берілмейді.

4.15. Кешенді тестілеу нәтижелерімен келіспеген тұлғалардың өтініштерін қарау үшін Қазақстан Республикасы Білім және ғылым министрлігінің жанынан апелляцияларды қарау жөніндегі Республикалық комиссия құрылады. Республикалық апелляциялық комиссияның төрағасы мен құрамы Қазақстан Республикасы Білім және ғылым министрлігінің бұйрығымен бекітіледі.

4.16. Кешенді тестілеуді қағаз форматта өткізу кезінде кешенді тестілеуді өткізудің әрбір пунктінде апелляциялық комиссиялар құрылады. Апелляциялық комиссиялардың төрағалары Қазақстан Республикасы Білім және ғылым министрлігінің бұйрығымен бекітіледі.

4.17. Республикалық апелляциялық комиссия магистратураға түсетін тұлғалардың тест тапсырмаларының мазмұны және техникалық себептер бойынша өтініштерін қарайды.

4.18. Апелляциялық комиссия және (немесе) республикалық апелляциялық комиссия жоғары оқу орнынан кейінгі білімдегі білім беру бағдарламаларының топтары бойынша қабылдау (шығармашылық) емтиханының немесе кешенді тестілеудің нәтижелерін апелляцияға берген тұлғаның өтініші бойынша шешім қабылдайды.

4.19. Магистратураға түсуші тұлғалардан апелляцияға өтінішті апелляциялық комиссия төрағасының атына немесе ҰТО ақпараттық жүйесі арқылы түсуші жеке өзі береді. Өтініш қабылдау емтиханының және кешенді тестілеудің нәтижелері жарияланғаннан кейін келесі күні сағат 13.00-ге дейін қабылданады, апелляциялық комиссия өтініш берген күннен бастап бір күн ішінде қарайды.

4.20. Апелляциялық комиссия әрбір тұлғамен жеке тәртіппен жұмыс істейді. Егер тұлға апелляциялық комиссияның отырысына келмеген жағдайда оның апелляцияға берген өтініші қаралмайды.

4.21. Апелляциялық комиссия өтінішті қараған кезде апелляцияға берген тұлға жеке басын куәландыратын құжатты ұсынады.

4.22. Кешенді тестілеуді қағаз форматта өткізген кезде кешенді тестілеуді өткізу пунктінде апелляциялық комиссиясы кешенді тестілеу нәтижелерін апелляцияға берген тұлғаға балл қосу туралы шешімді қабылдайды. Апелляциялық комиссия кешенді тестілеу өткізу пунктінде апелляцияны қарау нәтижелерін Республикалық апелляциялық комиссияға береді.

4.23. Республикалық апелляциялық комиссия апелляциялық комиссия ұсынысының негіздерін қарайды және апелляциялық комиссияның ұсынысы келіп түскеннен кейін бір күн ішінде шетел тілі бойынша қабылдау емтиханының нәтижелерін немесе магистратурада оқу үшін кешенді тестілеу нәтижелерін апелляцияға берген тұлғаға балл қосу туралы шешім қабылдайды.

4.24. Тестілеуді электрондық форматта өткізген кезде оқуға түсушінің апелляцияға өтініші тестілеу аяқталғаннан кейін 30 минут ішінде қабылданады. Өтініштің негізделгенін Республикалық апелляциялық комиссия тестілеу өткізілген күннен кейін күнтізбелік 3 (үш) күннен 5 (бес) күнге дейін қарайды.

4.25. Апелляциялық комиссиялардың шешімдерін комиссия мүшелері жалпы санының көпшілік даусымен қабылданады. Дауыстар тең болған жағдайда комиссия төрағасының дауысы шешуші болып табылады. Апелляциялық комиссиялардың жұмысы төраға және комиссияның барлық мүшелері қол қойған хаттамамен ресімделеді.

4.26. Қабылдау емтихандарын және кешенді тестілеуді өткізу кезінде тәртіпті сақтау мақсатында кешенді тестілеуді өткізу пункттеріне және ЖЖОКБҰ-ға Қазақстан Республикасы Білім және ғылым министрлігінің өкілдері жібереді.

## **5. МАГИСТРАТУРАҒА ОҚУҒА ҚАБЫЛДАУ**

5.1. Магистратураға қабылдау мынадай балл жинаған қазақ немесе орыс тілді ғылыми-педагогикалық магистратураға кешенді тестілеу қорытындысы бойынша: шетел тілі бойынша тест – кемінде 25 балл, оқуға дайындығын анықтауға арналған тест – кемінде 7 балл, білім беру бағдарламалары тобының бейіні бойынша тест – кемінде 14 балл (бір дұрыс жауапты таңдаумен - 7-ден кем емес, бір немесе бірнеше дұрыс жауаптарды таңдаумен 7-ден кем емес) қазақ немесе орыс тілінде оқытатын магистратураға кешенді тестілеу үшін 150 балдық бағалау жүйесінің шкаласына сәйкес жүзеге асырылады.

5.2. Мемлекеттік білім беру тапсырысы бойынша оқуға конкурстық негізде кешенді тестілеу және (немесе) түсу емтиханы бойынша ең жоғары балл жинаған тұлғалар қабылданады:

- 1) ғылыми-педагогикалық магистратура үшін-кемінде 75 балл;
- 2) ағылшын тілінде оқытатын магистратура үшін-кемінде 50 балл;
- 3) бейінді магистратура үшін-кемінде 50 балл.

5.3. Оқуға түсуші үшін кешенді тестілеудің тест тапсырмаларының жауаптарын бағалау мынадай түрде жүзеге асырылады:

1) бір дұрыс жауапты таңдау тапсырмаларында-дұрыс жауапты таңдау кезінде бір балл, қалған жағдайларда нөл балл беріледі;

2) бір немесе бірнеше дұрыс жауаптарды таңдау тапсырмаларында: барлық дұрыс жауаптарды таңдау үшін екі балл, жіберілген бір қателік үшін - бір балл, жіберілген екі қателік үшін – нөл балл беріледі.

5.4. Шетел тілі (ағылшын, неміс) бойынша тест тапсыру туралы сертификаты бар тұлғаларға 100 балдық бағалау жүйесі бойынша ең жоғары балл есептеледі.

5.5. Магистратураға түсу емтихандарын сәтті тапсырған, бірақ мемлекеттік білім беру тапсырысы бойынша бөлінген орындарға конкурс бойынша өтпеген тұлғалар магистратураға шарттық (ақылы) негізде қабылдануы мүмкін. Қабылдау комиссиясының шешімі негізінде тараптар білім беру қызметтерін ақылы көрсету туралы шарт жасасқаннан кейін жүзеге асырылады.

5.6. Ақылы негізде магистратураға тұлғаларды қабылдау қазақ немесе орыс тілінде оқытатын ғылыми-педагогикалық магистратураға кешенді

тестілеу үшін 150 балдық бағалау жүйесінің шкаласына сәйкес кешенді тестілеу қорытындысы бойынша жүзеге асырылады: кемінде 75 балл, бұл ретте шетел тілі бойынша-кемінде 25 балл, білім беру бағдарламалары тобының бейіні бойынша: бір дұрыс жауапты таңдау арқылы -кемінде 7 балл, бір немесе бірнеше дұрыс жауап таңдау арқылы-кемінде 7 балл, оқуға дайындығын анықтау тесті бойынша – кемінде 7 балл. Тұлғаларды бейінді магистратураға ақылы негізде қабылдау кешенді тестілеу нәтижелері бойынша кешенді тестілеу үшін бағалаудың 100 балдық жүйесінің шкаласына сәйкес қазақ немесе орыс тілінде оқытатын бейіндік магистратураға: кемінде 50 балл, бұл ретте білім беру бағдарламалары тобының бейіні бойынша: бір дұрыс жауапты таңдау арқылы-кемінде 7 балл, бір немесе бірнеше дұрыс жауаптарды таңдау арқылы-кемінде 7 балл, оқуға дайындығын анықтауға арналған тест бойынша – кемінде 7 балл.

5.7. Ақылы негізде ағылшын тілінде оқытатын магистратураға тұлғаларды қабылдау ағылшын тілінде оқытатын магистратураға кешенді тестілеу үшін 100 балдық бағалау жүйесінің шкаласына сәйкес кешенді тестілеу қорытындысы бойынша жүзеге асырылады: кемінде 50 балл, бұл ретте оқуға дайындығын анықтауға арналған тест бойынша-кемінде 7 балл, білім беру бағдарламалары тобының бейіні бойынша: бір дұрыс жауапты таңдаған арқылы-кемінде 7 балл, бір немесе бірнеше дұрыс жауапты таңдау арқылы – кемінде 7 балл.


5.8. Шетел тілін меңгерудің жалпыеуропалық құзыреттеріне (стандарттарына) сәйкес шетел тілін меңгергенін растайтын шетел тілі (ағылшын, француз, неміс) бойынша тест тапсырғандығы туралы сертификаттардың бірі бар тұлғаларға республикалық бюджет немесе жергілікті бюджет қаражаты есебінен білім беру грантын беру конкурсына қатысу үшін өтініш берген кезде, сондай-ақ ЖЖОКБҰ ақылы негізде қабылданған кезде 50 балл есептеледі.

5.9. Мемлекеттік білім беру тапсырысы бойынша игерілмеген орындар күнтізбелік жылдың 5 қыркүйегіне дейін жоғары оқу орнынан кейінгі білімнің білім беру бағдарламаларының топтары бөлінісінде жоғары оқу орындары арасында одан әрі қайта бөлу үшін өтінім түрінде денсаулық сақтау саласындағы уәкілетті органдарға қайтарылады.



5.10. Бірінші кезекте жоғары оқу орнынан кейінгі білімнің білім беру бағдарламаларының тиісті тобы бойынша түсу емтихандарының нәтижелері бойынша ең жоғары балл алған үміткерлері бар ЖЖОКБҰ өтінімдері қанағаттандырылады. Жоғары оқу орнынан кейінгі білімнің білім беру бағдарламаларының осы тобы бойынша үміткерлер болмаған кезде қайта бөлу жоғары оқу орнынан кейінгі білім беруді даярлаудың тиісті бағыты ішінде жүзеге асырылады. Дайындық бағыттары бойынша үміткерлер болмаған кезде қайта бөлу білім беру саласының ішінде жүзеге асырылады. Игерілмеген орындарды қайта бөлу уәкілетті органның бұйрығымен күнтізбелік жылдың 30 қыркүйегіне дейін бекітіледі.

5.11. Университет денсаулық сақтау саласындағы уәкілетті органға күнтізбелік 10 күн ішінде қабылдауды ұйымдастыру және өткізу жөніндегі қорытынды есепті, сондай-ақ мемлекеттік білім беру тапсырысы бойынша магистратураға қабылдау туралы бұйрықтардың көшірмелерін ұсынады.

**Құрастырған:**

№ р/с	Т.А.Ә.	Лауазымы	Қолы	Күні
1.	Кошмағанбетова Г.К.	Магистратура және докторантура бөлімінің жетекшісі		22.05.2023

**Согласовано:**

№ р/с	Т.А.Ә.	Лауазымы	Қолы	Күні
1.	Рамазанова А.А.	Қабылдау комиссиясының жауапты хатшысы		22.05.2023
2.	Урумбаева А.Н.	Заң бөлімінің жетекшісі		22.05.2023